

SAMOA

Faatulagaina o Aiaiga

- | | |
|---|---|
| 1. Igoa puupuu ma le amataga | 4. Tuusaunoaga mo tagata o lo
o galueaina oloa tulaga
muamua (fua o le eleele ma
le gataifale) |
| 2. Faamatalaina o upu | |
| 3. Aveesea le Tuusaunoaga o
Lafoga o Tupe Maua mo
Faiga-Faiva Faapisinisi | 5. Totogi ua Toesea mai
Faaputugatupe |

2002, Nu. 15

O SE TULAFONO e teuteu ai le Tulafono o Lafoga o Tupe Maua 1974 e aiaia ai mo lafoga o faiga-faiva faapisinisi ma mo isi faamoemoega. *[28 luni 2002]*

UA FAIA e le Fono Aoaio Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lena Tulafono o le Tulafono o Teuteuga o le Tulafono o Lafoga o Tupe Maua (Faiga-Faiva Faapisinisi) 2002 ma, vagana ai le fuaiupu 5, o le a tatau ona faitau faatasi ma avea ai ma vaega o le Tulafono o Lafoga o Tupe Maua 1974 (o le Tulafono autu).

(2) O le a tatau ona amata faamamaluina lena Tulafono i le aso 1 o Ianuari 2003 e ese ai nai lo le fuaiupu 4, o lo o faapea e tatau ona amataina i le aso 1 Ianuari 1998 ma e tusa ai ma lea tulaga o le a tatau ona faamamaluina mai le taimi ua tuanai.

2. Faamatalaina o upu - Ua teuteuina le fuaiupu 2 o le Tulafono autu e ala i le faaofiina i totonu o le faamatalaga ua taua i lalo i le faasologa sao o le pi faitau:

"faiga-faiva faapisinisi" o lona uiga o le fagotaina o ia, e aofia ai figota e fai atigi, ma i si lava mea taumafa e maua mai i le sami:

- (a) Faaaogaina o se vaa fagota e valu (8) mita po o le sili o le umi; po o
- (b) E se kamupani po o ofisa tausī mavaega; po o
- (c) E so o se faiga paaga po o galuega soofaatasi e faapea o le tasi po o le sili atu o paaga po o galuega soofaatasi faipaaga o se kamupani po o ofisa tausī mavaega,

ae le aofia ai tauvaga faafaiga-faiva (o tupe maua mai lea tauvaga e le tuusaunoaina i lalo o le fuaiupu 7),”.

3. Aveesea o Tuusaunoaga mo Faiga-Faiva Faapisinisi-

(1) Ua teuteuina le fuaiupu 7(1) o le Tulafono autu e ala i le aveesea o le parakalafa (s) ma suia e faapea:

“(s) Tupe maua na maua e le tagata mai le galueaina po o le faatauina atu po o le tuueseina atu i se tasi lava faiga o oloa tulaga muamua (fua o le eleele ma le gataifale) e ese mai i faiga-faiva faapisinisi:”

(2) Ua teuteuina le fuaiupu 7(6)(c) o le Tulafono autu e ala i le faaofiina o upu ua taua i lalo ina ua tuanai le upu "taumafa e maua mai i le sami":

"e ese mai i faiga-faiva faapisinisi"

4. Tuusaunoaga mo tagata o lo o galueaina oloa tulaga muamua (fua o le eleele ma le gataifale) - Ua teuteuina le fuaiupu 7 o le Tulafono autu e ala i le faaofiina i ai o le faafuaiupu ua taua i lalo:

“(8) E ui lava i aiaiga o le faamaiupu (l)(s), o tupe maua na maua e le tagata i le galueaina o oloa tulaga muamua (fua o le eleele ma le gataifale) mai le faatauina atu po o se tasi lava faiga o oloa tulaga muamua i totonu o tausaga o tupe maua e amata i le aso 1 Ianuari 1998 ma faaiuina i le aso 31 Tesema 2002 o le a tatau ona tuusaunoaina mai lafoga.”

5. Totogi ua Toesea mai Faaputugatupe-(1) Ua teuteuina le Faamatalaga lona Tolu o le Tulafono o Pulega o Lafoga 1974 e ala i le faaofiina i ai o mea ua taua mulimuli mai e faapea:

“ 9. O totogi mo galuega o so o se ituaiga i le kapeteni ma le auvaa (e ese ai nai lo totogi, togiaso po o i si lava faamanuiaga e totogi atu i tagata faigaluega) e le e ona galuega po o le tagata o lo o faagaoioia se taumafaiga tau faiga-faiva faapisinisi po o se pisinisi, ma ni tupe totogi faapena o le a tatau ona aofia i le faasoaina o le faiva.”

(2) Ua teuteuina le Faamatalaga lona Lua o le Tulafono o Fua Faatatau o Lafoga 1974 i le faaofiina i ai o mea ua taua mulimuli mai e faapea:

“16. Totogi mo galuega o so o se ituaiga i le kapeteni ma le auvaa (e ese ai i lo totogi, togiaso po o i si lava faamanuiaga e totogi atu i tagata faigaluega) e le e ona galuega po o le tagata o lo o faagaoioia se taumafaiga tau faiga-faiva faapisinisi po o se pisinisi, ma o ia tupe totogi o le a tatau ona aofia ai le faasoaina o le faiva: 10%.”

